



Dezafiu Implementasaun Polítika Desentralizasaun no Poder Lokal Iha Timor-Leste: Husi Prespetiva Siguransa

Mahein Nia Lian Nú. 63, 25 Novembru 2013



Suporta Husi Povu Amerikanu liu husi USAID no Embaxada Finlandia iha Jakarta



Website: www.fundasaunmahein.org

I. Introdusaun

Planu Governu hodi estabelese Munisípiu no implementa política Desentralizasaun Administrativa no Poder Lokal nu'udar instrumentu ida ne'ebé atu garante dezvoltimentu nasional. Katak, atu hadi'a no transforma kondisaun moris povu Timor-Leste husi kiak no mikit ba saudável no prospéru.¹ Dezenvolve no haberan setór privadu nian iha area rurál, nomos promove instituisaun estadu sira atu sai forte liu tan.² Hakbesik-an ba populasaun, hodi fo kontrola no ukun povu ho lolos atu bele goza independensia.³

Política Desentralizasaun Administrativa no Podér Lokal ne'e hahu inisia husi Governu FRETILIN⁴ ne'ebé introduz iha Planu Dezenvolvimentu Nasional – PDN ho naran “Timor Lorosa'e 2020” Depois IV Governu Konstitusional kontinua hodi formula iha Planu Estratejiku Dezenvolvimentu Nasional – PEDN “2030”⁵ nu'udar vizaun ba dezvoltimentu nasional iha tinan 2030 oin mai.⁶

Atu hakat ba implementasaun política Desentralizasaun Administrativu no Podér Lokal, iha IV Governu implementa ona programa pilotu hanesan Pakote Dezenvolvimentu Desentralizasaun – PDD I no PDD II husi transformasaun Programa Dezenvolvimentu Lokal – PDL ne'ebé Governu anterior aplika ona. Ne'e nu'udar preparasaun inisiu husi Governu sentral hodi hametin kapasidade Governu lokal no comunidade antes implementa lolos política refere.⁷

Parte husi política Munisípiu no Desentralizasaun Administrativu no Podér Lokal, V Governu sei implementa planu estratéjiku abranjente ida, ba longu prazu, atu garante dezempeña ne'ebé diak liu husi setór siguransa hodi hametin paz no estabilidade ba povu tomak, partikularmente siguransa interna.⁸

¹ Luta Hamutuk: (2011, Dezembru 10). Progress Report Rezultadu Monitoring Segundu Semester husi Sekretariadu Tekniku Komite ba Implementasaun projetu Infra-estrutura iha Distritu Aileu, tinan Fiskal 2011. <http://www.lutahamutukinstitute.org/activity/detail/monitoring/47/>

² Governu Timor-Leste. (2013, Abril 12). Projetu Implementasaun Desentralizasaun Administrativa no Podér Lokal iha distritu Bobonaro. <http://timor-leste.gov.tl/?p=8025&lang=tp>

³ Prezidencia Konsellu Ministru. (2013, Agostu 16). PROGRAMA V GOVERNO CONSTITUCIONAL NIAN, 2012-2017.p59.pdf.

⁴ Frente Revoluçionario Timor-Leste Independente – FRETILIN.

⁵ Governu Timor-Leste (2013, Setembru 16) <http://timor-leste.gov.tl/wp-content/uploads/2011/07/Plano-Estrategico-Desenvolvimento-TL3.pdf>

⁶ Luta Hamutuk: (2011, Dezembru 10). Progress Report Rezultadu Monitoring Segundu Semester husi Sekretariadu Tekniku Komite ba Implementasaun projetu Infra-estrutura iha Distritu Aileu, tinan Fiskal 2011. <http://www.lutahamutukinstitute.org/activity/detail/monitoring/47/>

⁷ Luta Hamutuk: (2011, Dezembru 10). Progress Report Rezultadu Monitoring Segundu Semester husi Sekretariadu Tekniku Komite ba Implementasaun projetu Infra-estrutura iha Distritu Aileu, tinan Fiskal 2011. <http://www.lutahamutukinstitute.org/activity/detail/monitoring/47/>

⁸ Prezidencia Konsellu Ministru. (2013, Agostu 16). PROGRAMA V GOVERNO CONSTITUCIONAL NIAN, 2012-2017.pdf.p71-12.

Fundasaun Mahein nia relatoriu ne'e hakarak halo análiza kona-bá dezafiu ka obstaklu ba implementasaun polítika Desentralizasaun Administrativu no Podér Lokal liu husi hari'i Munisípiu iha distritu 13 ne'ebé kestaun balun konsidera nu'udar tentativa ida hodi kontribui konflitu iha futuru no bele sai ameasa ba estabilidade nasional.

II. Polítika V Governu Kona-bá Desentralizasaun Administrativu no Podér Lokal

Esperansa moris diak ba povu Timor-Leste liu husi polítika desentralizasaun maka nu'udar mandatu prinsipal V Governu Konstitusional ne'ebé hatutan husi polítika Governu anterior hodi respeita prinsipiu podér lokal.⁹ Ne'ebé hatur iha artigu 72 Konstituisaun Repúblika Demokrátika Timor-Leste - RDTL.¹⁰

Estabele Munisípiu no implementa polítika Desentralizasaun Administrativu no Podér Lokal nu'udar instrumentu ida ne'ebé atu garante dezenvolvimentu husi nivel nasional to'o baze.¹¹ Atu fortifika polítika ida ne'e, V Governu Konstitusional dadaun perpara ona draft lejjlasaun sira hanesan Lei Política Dezentralizasaun Administrativa Lokal nian, Dekretu lei Organika Estrutura Munisípiu sira, Lei Kuadru Dezentralizasaun Administrativa no Podér Lokal nian, Lei Eleitoral ba Orgaun sira Podér Lokal nian, Lei Finansa Lokal sira nian, Lei Estatutu Vinkulu Sira, Kareira no Remunerasaun sira, Traballadór Podér Lokal Sira nian, no Lei Resensiamentu Eleitoral nian.¹²

Maibe, antes lori ba Konsellu Ministru atu halo aprovasaun, Gabeti Sekretariu Estadu Desentralizasaun Administrativa – SEDA akompaña husi Primeiru Ministru Kay Rala Xanana Gusmão hodi hala'o prosesu konsultasaun no fahe materia iha Distritu 13 no realiza *workshop* internasional hodi halibur idea kona-bá polítika Desentralizasaun Administrativa no Podér Lokal.¹³ Objetivu uniku husi konsultasaun ne'e maka atu fahe informasaun ba populasaun kona-bá polítika atu estabelese munisípiu iha Timor-Leste.¹⁴

Nune'e mos Governu liu husi Sekretariu Estadu Desentralizasaun Administrativu instala ona Komisaun Instaladora hamutuk 14 iha Distritu 13 inklui ho Ekipa Tékniku Interministerial hodi fo asistencia administrasaun no formasaun.¹⁵ Maibe mosu hanoin pro no kontra kona-bá polítika desentralizasaun iha nivel intelektual timor-oan inklui mos lideransa nasional sira kontinua

⁹ Farming Study Group. (2013, Maiu 23). [PROPOSTA POLITIKA DESENTRALIZASAUN MUNICIPIU DISTRITU LAUTEM](http://farmingstudygroup.blogspot.com/2013/05/proposta-politika-desentralizasaun.html). <http://farmingstudygroup.blogspot.com/2013/05/proposta-politika-desentralizasaun.html>

¹⁰ Assembleia Konstitusional. (2002, Marsu 22). Podér Lokal. Alinea 1 no 2. Konstituisaun RDTL.

¹¹ Prezidencia Konsellu Ministru. (2013, Agostu 16). PROGRAMA V GOVERNO CONSTITUCIONAL NIAN, 2012-2017.pdf.p59.

¹² Jenova. (2013, Abril 05). Preparasaun Munisípiu, Xanana Tun Diretamente, Ba Distritu 13 Hotu. http://partidocnrt.com/index.php?option=com_content&view=article&id=2290:preparasaun-munisipiu-xanana-diretamente-tun-ba-distritus-13&catid=32:nasional&Itemid=47

¹³ Jenova. (2013, Abril 05). Preparasaun Munisípiu, Xanana Tun Diretamente, Ba Distritu 13 Hotu. http://partidocnrt.com/index.php?option=com_content&view=article&id=2290:preparasaun-munisipiu-xanana-diretamente-tun-ba-distritus-13&catid=32:nasional&Itemid=47

¹⁴ RDTL. (2013, Abril 12). Projetu Implementasaun Desentralizasaun Administrativa no Podér Lokal iha distritu Bobonaro. <http://timor-leste.gov.tl/?p=8025&lang=tp>

¹⁵ Jenova. (2013, Abril 05). Preparasaun Munisípiu, Xanana Tun Diretamente, Ba Distritu 13 Hotu. www.partidocnrt.com

ejizte. Eis Primeiru Ministru Mari Alkatiri katak sei duvida ba implementasaun polítika descentralizasaun tanba dadaun ne'e Governu sentral rasik seidak la'o diak.¹⁶

III. Dezafiu no Impaktu sira husi Implementasaun Polítika Desentralizasaun no Podér Lokal iha Futuru

a. Kestaun Unidade Nasional

Asuntu unidade nasional nu'udar fatór importante hodi apoiu ba prosesu implementasaun polítika Desentralizasaun Administrativu no Podér Lokal ne'ebé Governu planeia. Tanba ne'e, durante prosesu konsultasaun materia Munisípiu no Desentralizasaun Podér Lokal iha distritu 13, Primeiru Ministru Kay Rala Xanana Gusmão husu ba intelektual sira atu tau matenek hamutuk (unidade) hodi identifika problema no potencia rekursu umanu no rekursu naturais atu bele apoiu implementasaun Munisípiu ho susesu.¹⁷

Maibe kestaun unidade nasional entre intelektual iha distritu balun sei malahok hela no konsidera nu'udar dezafiu ida ba prosesu implementasaun Munisípiu iha futuru. Ne'e, bazeia ba historia konfliktu pasadu entre timor-oan durante iha prosesu luta ba libertasaun nasional entre partidu politiku iha 1975, fahe ona timor-oan no hamihis koezaun sosial tanba ideolojia polítika ne'ebé diferente.¹⁸

Aumenta hetok at liu tan wainhira konfliktu antes no depois referendum iha 1999 ne'ebé halo timor-oan fahe malu konsege hamosu ona konseitu foun iha sosiadade Timor-Leste ho naran "Oportunista vs Nasionalista ou (Autonomista vs Pro Independensia) to'o ohin loron.¹⁹ Konseitu ida ne'e kontinua buras iha sosiadade Timor-Leste maske iha ona prosesu rekonsiliaun ne'ebé inisia husi CNRT²⁰ hahu husi tempu rezistencia no kontinua iha faze ukun-an, eis Prezidenti Kay Rala Xanana Gusmão nia mandatu .²¹

Faktus konketu ida maka konfliktu internal entre intelektual distritu Viqueque ne'ebé Administrador fo kompetensia ba Sr. João Saldanha atu organiza grupu intelektual distritu Viqueque hodi diskute maibe parte grupu Sr. Antero Bendito la simu tanba kestaun historia rezistencia pasadu ne'ebé la kontribui ba luta ukun rasik-an.²² Kazu seluk ne'ebé tuir Fundasaun Mahein nu'udar dezafiu ida maka intelektual distritu Dili rasik labele organiza malu

¹⁶ THD. (2013, Maiu 29). Konferensia Internasional Poder Lokal: "Dr. Mari Alkatiri: Sei Iha Duvida Implementa Munisipiu". <http://www.timorhauniandoben.com/2013/05/konferensia-internasional-poder-lokal.html>

¹⁷ Martins, S, Evaristo. (2013, Maiu 06). PM Xanana: Se Imi Fahe Malu, Hau Sei La Fo Munisípiu. Jornal Independente.

¹⁸ CHEGA, Relatoriu husi Komisaun Lia lo'os, simu malu no Rekonsiliaun iha Timor Leste (CAVR), husi kolonializmu ba okupasaun militar. p11,12 no14.

¹⁹ Da Costa, Zack. (2008, Marsu 13). Polítika Rekonsiliaun, Polítika Kanibalisme. <http://klaak-semanal.blogspot.com/2008/03/opiniaun-politika-rekonsiliaun.html>

²⁰ Consellho Nacional da Rejistencia Timorense - CNRT

²¹ Da Costa, Zack. (2008, Marsu 13). Polítika Rekonsiliaun, Polítika Kanibalisme. <http://klaak-semanal.blogspot.com/2008/03/opiniaun-politika-rekonsiliaun.html>

²² Fundasaun Mahein. (2013, Abril 06). Enkontru Intelektual Viqueque Oan. Observasaun Direta.

iha primeiru enkontru iha loron 6-7 fulan Maiu hodi partisipa divulgasaun materia Munisípiu iha GMT Dili.²³

Nune'e mos, kazu diskriminasaun entre intelektual husi distritu Lautem (Fataluku vs Makasa'e, Makalero, Sahani) tanba laiha proposionalidade ba representante durante diskusaun ne'ebé organiza husi intelektual distritu Lautem iha Dili no Lospalos. Ezemplu intelektual husi Fataluku domina hodi lidera diskusaun ne'ebé hala'o iha Canossa Has-Laran, inisiu fulan Maiu, tinan ida ne'e. Nune'e mos ladun valoriza ba idea no hanoin sira husi intelektual Makasae, Sahaini no Makalero ne'ebé halo sira ladun kontente.²⁴ Kestaun seluk maka konseitu oportunista (milisia) kontinua mos sai preokupasaun no debate entre intelektual distritu Lautem relasiona ho membru ekipa Komisaun Organizadora balun ne'ebe uluk kontra ba prinsípiu ukun rasik-an.²⁵

Husi kazu hirak ne'ebé Fundasaun Mahein relata iha leten nu'udar faktus konkretu ida katak kestaun unidade nasional sai dezafiu ba implementasaun política Desentralizasaun Administrativu no Podér Lokal iha futuru, no sai tentativa ba estabilidade nasional. Ho ida ne'e, Fundasaun Mahein husu Governu atu ezejuta rekomendasaun CAVR²⁶ kona-bá reparasaun ba vitima atu atu nune'e bele minimiza tensaun sosial entre timor-oan iha futuru.

b. Konflitu Kona-bá Rai (Baliza Suku, Sub-Distritu no Distritu) iha Futuru

Durante prosesu konsultasaun no divulgasaun materia Munisípiu nian, juventude no intelektual distritu sira deklara katak prontu atu apoiu política implementasaun desentralizasaun no podér lokal.²⁷ V Governu Konstitusional rasik garante katak desentralizasaun sei lori povu ba ambiente prospéru, paz no hakmatek tanba hotu-hotu sei hetan rai ne'e nia mahon hodi goza ukun rasik-an.²⁸ Tanba objetivu política Desentralizasaun no Poder Lokal hanesan prosesu ida atu hakbesik ukun ba kraik nune'e bele aselera dezvoltamentu to'o ba povu sira iha baze.

Maibe prezisa rekuiñese mos problema sosial balun ne'ebé sei hafalun an iha política Desentralizasaun no bele sai tentativa hodi hamosu konflitu iha futuru. Hanesan problema rai (baliza Suku no Munisípiu) ne'ebé bele kria tensaun sosial hodi estraga estabilidade nasional.²⁹ Tanba problema rai nia kauza la'os deit hamosu konflitu maibe mos bele impede prosesu dezvoltamentu nasional. Realidade konflitu kona-bá rai entre comunidade durante ne'e aumenta ba bebeik tanba seidak iha sistema administrasaun rai ne'ebé diak hodi regula na'in ba rai iha Timor-Leste.³⁰ Halo comunidade hadau malu rai hahu husi knua sira, uma lulik sira,

²³ Tap. (2013, Maiu 07). Xanana Adia Divulgasaun Materia Munisípiu iha Dili. Jornal STL.

²⁴ Dos Santos, Edo. (2013, Setembru 06). Intelektual husi Makasae. Entrevista pesoal

²⁵ Dos Santos, Edo. (2013, Setembru 06) Intelektual husi Makasae. Entrevista pesoal.

²⁶ Comissao Amizade no Verdade e Rekonsiliausaun - CAVR

²⁷ Nax. (2013, Maiu 06). Distritu Lautem Prontu Simu Munisípiu. Jornal Diariu Nasional.

²⁸ Tap. (2013, Maiu 03). PM Xanana Gusmão: "Munisípiu La'os Ba Ema Hotu". Jornal Diariu Nasional

²⁹ Noronha, Mundus. (2013, Maiu 06). Eis Lideransa Lokal (Xefi Suku). Entrevista pesoal.

³⁰ Fundasaun Mahein.(2013, Abril 17). Disputa Rai Rohan La'ek: Husi Prespetiva Siguransa. Mahein Nia Lian Nú. 48.p18.pdf.

entre familia, Aldeia no Suku, Sub-Distritu no Distritu ne'ebé fo ameasa ona ba Timor-oan nia moris seguru.³¹

Kazu konkretu balun maka hadau malu baliza rai maka entre suku Babulo no Vessoru iha distritu Viqueque ne'ebé tama ona tribunal maibe to'o ohin lora seidak iha rohan no ninin.³² Nune'e mos kazu disputa rai iha kuaze iha distritu tomak iha teritoriu Timor-Leste ne'ebé to'o ohin lora seidak iha solusaun. Kazu hadau malu rai sei pendente barak no hein hela lejlisaun rai nian atu bele klarifika no fo solusaun ba asuntu rai iha Timor-Leste.³³ Kazu seluk maka hadau malu baliza rai iha aldeia Dara-Sula entre comunidade Suku Gariuai no Triloka ne'ebé hamosu konflitu hodi hakanek comunidade balun.³⁴

Ida ne'e tuir Fundasaun Mahein nia hanoin katak problema hadau malu rai no baliza rai sai nu'udar dezafiu ida ba implementasaun polítika Desentralizasaun Administrativu no Podér Lokal iha futuru. Kestaun maka menus kapasidade autoridade lokal nia hodi kontribui ba konflitu hadau malu rai iha distritu no suku sira sai hanesan naha todan ba lideransa lokal relasiona ho polítika Desentralizasaun Podér Lokal ne'e.

c. Seidak Maduru iha Polítika

Relasiona ho polítika implementasaun Desentralizasaun Administrativu no Podér Lokal iha Timor-Leste, Governu agenda ona katak sei realiza eleisaun ba Munisípiu no Camara Munisípiu iha tinan 2015, hili Prezidenti Munisípiu no Camara Munisípiu nian.³⁵ Nu'udar parte ida hodi kapasita rekursu umanu atu bele fasilita eleisaun Munisípiu no Camara Munisípiu iha futuru, Governu iha fulan Maiu 2012 haruka ona timor-oan na' in 24, husi STAE (Sekretariadu Tekniku Admnistrasaun Eleitoral) na'in 4, husi CNE (Comissão Nacional Eleicoens) na'in 18 no restu mai husi Distritu hodi halo estudu komparativu kona-bá eleisaun Munisípiu iha Australia.³⁶

Maibe presiza konsidera katak Timor-Leste ne'ebé foin sai husi post konflitu no adopta sistema demokrasia ho multipartidu maibe seidak maduru iha polítika sai dezafiu ida wainhira halo eleisaun ba Prezidenti Munisipiui no Prezidenti Camara Munisipiui iha futuru.³⁷ Tuir Fundasaun Mahein nia monitorizasaun durante ne'e nota katak eleisaun nu'udar mementu ida ne'ebé sai

³¹ Fundasaun Mahein. (2013, Abril 17). Disputa Rai Rohan La'ek: Husi Prespetiva Siguransa. Mahein Nia Lian Nú. 48.p20.pdf.

³² Baptista Joao (11 Setembru 2013) Juventude Suku Vessoru. Entrevista pessoal

³³ Fundasaun Mahein. (2013, Abril 17). Disputa Rai Rohan La'ek: Husi Prespetiva Siguransa. Mahein Nia Lian Nú. 48. http://www.fundasaunmahein.org/wp-content/uploads/2013/04/MNL-nu.-48_17042013_Disputa-Rohan-Leak2.pdf

³⁴ Anibal. (2013, Setembru 29). Gariuai Vs Triloka Solusaun Laek. Jornal Matadalan. Edisaun 14.p10.

³⁵ Parada, Josefa. (2013, Ferbruari 09). 2015, STATAL PREPARA BA ELEISAUN CAMARA MUNICIPIU. <http://timorlorosaenacaodiario.blogspot.com/2013/02/2015-statal-prepara-ba-eleisaun-camara.html>

³⁶ Pinto, Acasio. (2012, Agosto 16). Delegasaun 24 Aranka Ba Darwin Hodi Asisti Eleisaun Munisipiui. <http://www.radioliberalidadedi.com/notisia/729-delegasaun-24-aranka-ba-darwin-hodi-asisti-eleisaun-munisipiui>

³⁷ Fundasaun Mahein. (2012, Dezembru 20). Análiza Siguransa Hafoin Mandatu UNMIT Remata 2012. http://www.fundasaunmahein.org/wp-content/uploads/2012/12/MNL-no-43_20122012-UNMITpdf.pdf

hun ba konfliktu iha Timor-Leste. Timor-oan sira senti katak eleisaun hanesan buat ida lori malisan boot ba estabilidade nasional nian. Faktus barak hatudu ona iha Eleisaun Jeral Prezidensial no Parlamentar 2007 no 2012 ne'ebé konsege hamosu konfliktu entre militante partidu polítika sira hodi rezulta ema mate no kanek.³⁸

Nune'e mos akontesementu brutal sira seluk periodu Eleisaun Jeral 2007 no 2012 no rezultadu eleisaun ne'ebé mosu konfliktu entre militante partidu hodi sunu populasaun nia uma iha teritoriu Timor-Leste hanesan sunu uma iha Baucau, Viqueque, Ermera no fatin sira seluk.³⁹ Pru-ezemplu hafoin rezultadu formasaun Kintu Governu iha loron 8 fulan Agustu 2007 mosu asaun violencia sunu uma hahu ona iha area Naedala parte Dasuwhati nian. No iha loron 9 - 10 Agustu 2007 sunu uma husi Naedala nian ba to'o Aliambata.⁴⁰

Bazeia ba esprensia konfliktu husi eleisaun 2007 no 2012, Fundasaun Mahein konsidera hanesan dezafiu ka obstaklu ida ba eleisaun Munisípiu no Camara Munisípiu iha futuru no bele fo ameasa ba koezaun sosial. Nune'e mos política ne'ebé sedauk maduro sei implika ba implementasaun Desentralizasaun iha prosesu demokratizasaun ba Munisipiu no Camara municipiu ne'ebé sei halo elisaun hodi hili Prezidenti ba municipiu.

Tuir Fundasaun Mahein nian hanoin Governu no Estadu presiza kria mekanizmu preventiva liu husi edukasaun sivika ba lideransa partidu, militante no simpatizante partidu polítiku sira atu nune'e bele evita tensaun konfliktu. Tanba konfliktu pasadu iha Eleisaun Jeral Parlamentar no Prezidensial 2007 no 2012 ne'ebé halo povu ki'ik sai vitima ne'e iha relasaun metin ho frajilidade política (seidauk maduro iha política) husi nivel lideransa partidu to'o nivel comunidade.⁴¹

*d. Oinsa Lejizlasaun no Estrutura PNTL*⁴²

Nu'udar mensiona iha política V Governu Konstitusional kona-bá aspeitu siguransa interna nian sei ba bazeia Planu Estratéjiku Dezenvolvimentu Nasional 2030. Tan ne'e, sei kontinua dezenvolve kapasidade operacional efetiva, iha prevensaun no invertigasaun krime, iha konsolidasaun siguransa pública no kontrolu Fronteira. Kontinua fortifika modelu polisiamentu komunitáriu, hodi nune'e mantein nafatin estabilidade no siguransa pública nian, nu'udar responsabilidade fundamental PNTL nian.⁴³

³⁸ Fundasaun Mahein. (2011, Abril 28). Potensi Ancaman Keamanan Menjelang Pemilu 2012. <http://www.fundasaunmahein.org/wp-content/uploads/2011/04/mahein-nia-lian-no-19-elisaun-20123.pdf>

³⁹ Fundasaun Mahein. (2011, Abril 28). Potensi Ancaman Keamanan Menjelang Pemilu 2012. <http://www.fundasaunmahein.org/wp-content/uploads/2011/04/mahein-nia-lian-no-19-elisaun-20123.pdf>

⁴⁰ Baptista Joao (02 Outubru 2013) Juventude Suku Vessoru, Entrevista Pessoal.

⁴¹ Fundasaun Mahein. (2012, Dezembru 20). Análiza Siguransa Hafoin Mandatu UNMIT Remata 2012. http://www.fundasaunmahein.org/wp-content/uploads/2012/12/MNL-no-43_20122012-UNMITpdf.pdf

⁴² Polisia Nasional Timor-Leste - PNTL

⁴³ Prezidencia Konsellu Ministru. (2013, Agostu 16). PROGRAMA V GOVERNO CONSTITUCIONAL NIAN, 2012-2017.p72.pdf.

Maibe Fundasaun Mahein nia pergunta maka oinsa ho kolokasaun estrutura komandu PNTL ba Munisípu no Camara Munisípu? Karik kontinua mantein ho Munisípu tuir distritu ka sei hamosu rejiaun ba Munisípu sira? Ezemplu rejiaun Oe-Cusse, sekuandu hari'i Munisípu no Camara Munisípu, nafatin ho komandu distritu ka oinsa? Ka iha polítika foun ba kona-bá desentralizasaun administrativa komandu PNTL nian? Durante ne'e estrutura PNTL masimu maka Komandante-Jerál PNTL; 2º Komandante-Jerál PNTL no Komandante Distrital PNTL.⁴⁴

Sekuandu iha mudansa pozisaun ba komandu maka tuir Fundasaun Mahein bele fo implikasaun ba Lei Organiku PNTL especialmente iha Kapitulu I prinsipiu jeral iha artigu 6⁴⁵ irarkia PNTL nian, artigu 7 orgaun PNTL nian no Kapitulu II Estrutura organika PNTL nian Seksaun I Komandu PNTL nian, iha artigu 9⁴⁶ organizasaun ka komandu PNTL nian, Seksaun II orgaun PNTL nian iha artigu 13⁴⁷ Konsellu Superior Polisia nian nomos Seksaun V Komandu Distrital sira, iha artigu 36⁴⁸ komandu no misaun PNTL nian.

Fundasaun Mahein husu ba Sekretariu Estadu Desentralizasaun Administrativu no Podér Lokal atu estabelese rede kooperasaun inter-Ministérial hanesan Ministeriu Defeza no Siguransa, liu-liu Sekretariu Estadu Siguransa no Defeza hodi halo diskusaun klean kona-bá lejjizlasaun sira atu nune'e labele implika fali ba instituisaun estadu seluk.

IV. Konkluzau

Polítika Desentralizasaun Administrativu no Podér Lokal nu'udar kestaun perteneente ida ba dezenvovlimentu nasional nasaun Timor-Leste. V Governu Konstitusional halo hela esforsu oi-oin hodi introduz polítika desentralizasaun ba povu Timor-Leste iha teritoriu tomak ne'ebé lidera direktamente husi Primeiru Ministru Kay Rala Xanana Gusmão. Nune'e mos Governu prepara ona lejjizlasaun kona-bá Munisípu no polítika desentralizasaun nu'udar parte legal hodi regula no funsionamentu administrasaun Munisípu.

Maske nune'e sei iha kestaun sosial balun ne'ebé konsidera hanesan dezafiu ba implementasaun polítika Desentralizasaun Administrativu no Podér Lokal, no bele hamosu impaktu ba estabilidade nasional. Hanesan kestaun unidade nasional, potensial konflitu sosial hanesan kestaun rai (baliza suku, sub-distritu, distritu), kestaun kompetisaun serbisu iha Munisípu no Camara Munisípu, eleisaun Munisípu no Camara Munisípu, rekursu umanu no asuntu seluk tan. Asuntu hirak ne'e Governu presiza tau atensaun hodi nune'e labele fo biban hodi lori dezastre no konflitu iha futuru.

⁴⁴ Lei Organiku PNTL. (2009). Autoridade no Órgaun sira Polisia nian. Artigu 7 Alinea 1 parte a,b no c.

⁴⁵ Lei Organiku PNTL. (2009). Irarkia. Artigu 6 parte a.

⁴⁶ Lei Organiku PNTL. (2009). Organizasaun Komandu PNTL. Artigu 9 parte a to'o g

⁴⁷ Lei Organiku PNTL. (2009). Konsellu Superior Polisia nian. Artigu 13 parte a to'o i

⁴⁸ Lei Organiku PNTL. (2009). Komandu no Misaun. Artigu 36 Alinea 1 to'o 4

V. Rekomendasaun

1. Fundasaun Mahein rekomenda ba Sekretariu Estadu Desentralizasaun Administrativu no Podér Lokal inklui Ministru Administrasaun Ordenamentu Teritorial atu aslera lalais draft lei kona-bá desentralizasaun no haruka ba Parlamentu Nasional hodi halo diskusaun klean antes halo aprovasaun.
2. Fundasaun Mahein rekomenda ba Governu atu implementa rekomendasaun CAVR kona-bá reparasaun ba vitima funu no fo rekuinesementu ba veteranu no kombatientes da Libertasaun ho lolos antes implementa polítika Desentralizasaun Administrativu no Podér Lokal.
3. Fundasaun Mahein rekomenda ba Sekretariu Estadu Desentralizasaun Administrativu no Podér Lokal atu serbisu hamutuk ho CNE no STAE kontinua fasilita edukasaun sivika husi nivel lideransa partidu polítiku atu nune'e labele hamosu linguazen sadik malu iha tempu kampañia eleitoral no eleisaun Munisipiu no Camara Munisipiu nian.
4. Fundasaun Mahein rekomenda ba Ministeriu Justisa tau aslera lalais esbosu lei ba rai hodi lori ba Parlamentu Nasional hodi diskute no halo aprovasaun antes implementa polítika Desentralizasaun, nune'e bele minimiza konfliktu hadau malu rai iha futuru.

Bibliografia

- Amaral, Aquilino. (2013, Maiu 02). Sorumutu iha Suai, 27 de Abril, 2013.
<http://kcod.wordpress.com/2013/05/02/sorumutu-iha-suai-27-de-abril-2013/>
- Anibal. (2013, Setembru 29). Gariuai Vs Triloka Solusaun Laek.
Jornal Matadalan. Edisaun 14.p10.
- Baptista, Joao. (11 Setembru 2013) Juventude Suku Vessoru.
Intervista pessoal
- Bareto S, Augusto. (2010, Agostu 01). THE WORLD IN 2030: OIN SA TIMOR-LESTE?.
<http://forum-haksasuk.blogspot.com/2010/08/world-in-2030-oin-sa-timor-leste.html>
- BT. (2012, Jullu 09). Makina Detekta Kontratu Ilegal. <http://www.jornalbisnistimor.com/en/suara-kami/376-makina-detekta-kontratu-ilegal>
- Dos Santos, Edu. (2013, Setembru 06) Intelektual husi Sub Distritu Luro.
Intervista pesoal.
- Cabral, Tomas. (2013, Maiu 07). Sekretariu Estadu Desentralizasaun Administrativu no Podér Lokal. Palestra iha diskusaun Intelektual Viqueque iha Dili.
- Da Costa Pereira, Crispin. (2013, Abril 16). POLITIKA DESENTRALIZASAUN HODI DESENVOLVE TIMOR LESTE.
<http://malaruana.blogspot.com/2013/04/desentralizasaundraft.html>
- Farming Study Group. (2013, Maiu 23). [PROPOSTA POLITIKA DESENTRALIZASAUN MUNICIPIU DISTRITU LAUTEM.](http://farmingstudygroup.blogspot.com/2013/05/proposta-politika-desentralizasaun.html)
<http://farmingstudygroup.blogspot.com/2013/05/proposta-politika-desentralizasaun.html>
- Fundasaun Mahein. (2011, Abril 28). Potensi Ancaman Keamanan Menjelang Pemilu 2012.
<http://www.fundasaunmahein.org/wp-content/uploads/2011/04/mahein-nia-lian-no-19-elisaun-20123.pdf>
- Fundasaun Mahein. (2013, Abril 17). Disputa Rai Rohan La'ek: Husi Prespetiva Siguransa. Mahein Nia Lian Nú. 48.pdf.
- Governu Timor-Leste. (2013, Abril 12). Projetu Implementasaun Desentralizasaun Administrativa no Podér Lokál iha distritu Bobonaro. <http://timor-leste.gov.tl/?p=8025&lang=tp>
- Jenova. (2013, Abril 05). Preparasaun Munisípiu, Xanana Tun Diretamente, Ba Distritu 13 Hotu.
http://partidocnrt.com/index.php?option=com_content&view=article&id=2290:preparasaun-munisipiu-xanana-diretamente-tun-ba-distritus-13&catid=32:nasional&Itemid=47
- Luta Hamutuk: (2011, Dezembru 10). Progress Report Rezultadu Monitoring Segundu Semester husi Sekretariadu Tekniku Komite ba Implementasaun projetu Infra-

estruturá iha Distritu Aileu, tinan Fiskal 2011.

<http://www.lutahamutukinstitute.org/activity/detail/monitoring/47/>

Nax. (2013, Maiu 06). Distritu Lautem Prontu Simu Munisípiu.
Jornal Diariu Nasional

Noronha, Mundus. (2013, Maiu 06). Eis Lideransa Lokal (Xefi Suku).
Intervista pesoal

Pinto, Acasio. (2012, Agosto 16). Delegasaun 24 Aranka Ba Darwin Hodi Asisti Eleisaun
Munisípiu. <http://www.radioliberaldadedili.com/notisia/729-delegasaun-24-aranka-ba-darwin-hodi-asisti-eleisaun-munisipiu>

Parada, Josefa. (2013, Ferbruari 09). 2015, STATAL PREPARA BA ELEISAUN CAMARA
MUNICIPIU. <http://timorlorosaenacaodiario.blogspot.com/2013/02/2015-statal-prepara-ba-eleisaun-camara.html>

RDTL. (2013, Abril 12). Projetu Implementasaun Desentralizasaun Administrativa no Podér
Lokál iha distritu Bobonaro. <http://timor-leste.gov.tl/?p=8025&lang=tp>

Santos. (2013, Setembru 04). Juventude husi Distritu Lautem.
Intervista pesoal

Tap. (2013, Maiu 07). Xanana Adia Divulgasaun Materia Munisípiu iha Dili.
Jornal STL.

Tap. (2013, Maiu 03). PM Xanana Gusmão: “Munisípiu La’os Ba Ema Hotu”.
Jornal Diariu Nasional